

መጅልስ አምን ወለዛልም ቀራራቱ ድድ ኤረትሮፕ

18ይ ክፍል



እብ ዶ/ር አሕመድ ሐሰን ድሕሊ

ተርጀመት: መሐመድ እድሪስ መሐመድ

አቶብዩ ወኪንዩ: “ሕኩመት ሶማል እግል አቅሊም ኦጋዴን (አቶብዩ ወአቅሊም ቅብለት ሕዱድ (ኬንያ) ጠሊቡ: ፍንጌ ድወል አፍሪቀ ናይ ሕዱድ መሻክል ለከልቅ ወምስለ ዲብ ጁላይ 1964 ዲብ አልቃህረ ለገብአ ሙእተመር ውሕደት አፍሪቀ ለሓለፊዩ “ምን እስትዕማር ለትወረሰ ሕዱድ አፍሪቀ እግል ልተምተም አለቡ” ለልብል ቀራር ዕልብ 16 ለልጻረር ቱ” ዲብ ልብለ: ዲብ መነዘመት ውሕደት አፍሪቀ ድድ ሶማል ዲብ ክልኢቱ ስያስያይ ሐርብ ሀረሰዩ። እምበል እሊ አቶብዩ ወኪንዩ: ሶማል ዲብ ክልኢቱ አቃሊም “እግል ሙሰልሒን ወኢመሰልሒን ትሰዴ” ዲብ ልብለ ሸክዩ ዐለዩ። ምን መቃዲሾ እግል መጽአን ፈርህት እግል ጋብሆት ህዩ ዲብ ሰነት 1964 ናይ ሕበር ዐክሰርያይ እትፋቅ ፈርመዩ። መስኩብት ሶማል እግል ሐምረትትመ እብ ክለ ሒለተን ሸቅዩ ዐለዩ። ሕድ ዲብ በድሎ ለመጽአው አንዝመት ሶማል እብ ጀህቶም: አሲሪክ ሕልም ሶማል ዐባይ እንዴ ገብአው እግል በደ አቃሊም ሶማል እግል ብልሰት እት ልብሎ አርዛቅ ድወሎም አስረተው።

ክምስል ፍገሪቱ ህዩ ምስል አቶብዩ ዲብ ሰለ ሕሩባት 1964 ወ1967 ወ1977 አተው። ሂራር በነ ሶማል ክሉ ዐዋምል እንዴ ኢለአተምም ዲብ ሰማንያታት ሙሰልሒን መትቃውመት እግል ለሐውጾ አተብደው። ገሌ ምኖም እግል ስምዩት: ወጠኒያይት ሐረከት ሶማል (እስሓቅ) ዲብ ቅብለት 1981: ዲሞቅራጥያይት ጀብህት መንገፎ ሶማል (ማጅርቲን) ዲብ ቅብለት ምፍጋር ጸሓይ 1981: ሙእተመር መውሐድ ሶማል (ሃውዬ) ዲብ ምግብ: ዲሞቅራጥያይት ሐረከት ሶማል (ርሓናወ) ዲብ ግብለት 1989: ወጠኒያይት ሐረከት ሶማል (ኡጋዴን) ዲብ ግብለት ምፍጋር ጸሓይ 1989 ብእቶም። ንዛም ጀነራል መሐመድ ስያድ ባሬ እግል “እግል አድሕኑ እቀድር” ለቤለዩ እግል

መንገድ (ለመጽእኑ ኢፋሉታይት ፍገሪት እንዴ ኢጌምም) ዲብ ኣፕሪል 1988 ምስል ኮሎኔል መንግስቱ ሀይለማርያም እትፋቅየት ፈርመ። እብ ኣሳስለ ወደዮ እትፋቅየት ህዩ እብ ሰበት ኣቅሊም ኡጋዴን ለኣቀርቡ ለዐለ ጠለብ ኣዝመ ምኑ። ክምሰለ ልትኣመር ዲብ ሰነት 1963 ርኢስ ሶማል ዐብደልረሽድ ሻርማኪ፡ ርኢስ ኬንዮ ጀሞ ኬንያተ ወርኢስ ዛንብዮ ከነት ካውንደ ዲብ ኣሩሽ (ታንዛንዮ) ዲብ ወደወ እጅትመዕመ፡ ሶማል እግለ ምስለን ለልትሓደድ ኣቅሊም (ቅብለታይ ሕዱድ) እንዴ ኢትሰኣል እቡ ኣተፈቀት እቱ። ርኢስ ስያድ ባሬ ዲብ ሰነት 1988 ለነስኣዮ በዳሪት፡ ክምሰለ ልታከዩ ለዐለ እግል ሰልጠቱ ይኣተረደዮ። እብ ቃብል እሊ ሐቆ 18ይ ክፊል ገሌ ኣውረሐት እግል ንዛሙ ኣስክለ ትኬለመ ቴለል ሸመዩ። ለዲብለ ወክድ ለህይ ዲብ ጄሽ ሶማል ኣሳስ ድቁብ ለዐለ እሎም ውላድ ኡጋዴን፡ ዲብ ግብለት ምፍጋር ጸሓይ (ወጠኒያይት ሐረከት ሶማል” ለትሰሜት መቃወመት ኣትበገሰው። ግረ እሊ ንዛም ስያድ ባሬ ኣስክ መበረቱ ተሀርበበ። እለ ሐረከት እለ ቀቢሊት እንዴ መርሐት እግል ጀነራል ስያድ ባሬ ምን ኣባያም ሐወ እግል ኣድሐኖት ምንመ ተሐረከት ናይ ኣተላላይ ዐዋምል እግለ ኣለቡ ንዛም እግል ኣንገፎት ላኪን ለልትቀደር ዮኣለ።

ፈሸል ንዛም፡ ኢረኪብ በደለ፡ በደ ደውለት

ንዛም ርኢስ ስያድ ባሬ ዲብ ዮም 26 ጃንዋሪ 1991 እንዴ ኢወድቅ፡ ቀደም ክልኣት ወሬሕ ሰለስ ኣግደ ተናዚም ሶማል፡ ሐቆ ከም ሓይል ማይል ዲብ ዮም 24 ኖቨምበር 1990 ዲብ እትፋቅየት በጽሐው። ለእተ ወክድ ለህይ ለትዋፈቀ ተናዚም “ወጠኒያይት ሐረከት ሶማል” ዲብ ቅብለት፡ “ሙእተመር መውሐው ሶማል” ዲብ ምግብ፡ “ወጠኒያይት ሐረከት ሶማል” ዲብ ግብለት ቶም። እብ ኣሳስለ እትፋቅየት ህዩ መዳይን ምግብ ዲብ እዴ “ሙእተመር መውሐድ ሶማል” መዳይን ግብለት፡ ዲብ እዴ “ሐረከት ምሐርበት ሶማል” መዳይን ቅብለት ህዩ ዲብ እዴ “ወጠኒያይት ሐረከት ሶማል” እግል ለኣውድቀን ለለኣቀድር እስትራተጅዮት ዐስከርዮት ኤተነው። በክት እኩይ እንዴ ገብኣ ህዩ ለሰለስ ተናዚም እግል ንዛም ስያድ ባሬ ምንመ ኣውደቀው፡ ኣሳስ ወጠኒያይ ዲሞቅራጥያይ በደለ እግል ልክለቆ ላኪን ኢቀድረው። ሸዐብ ሶማል ክምሰል ክሎም ገባይል እዲነ ክእነ ላቱ ናይ በደ በክት እግል ልሳድፉ ወጅብ ምንመ ይዐለ፡ ዲብ ክሉ መጃላት ዲብ ተማስ ሐርብ ኖስኖስ እግል ልትሸመም በደ ወደማር እግል ልትከለቡ ትቀሰበ።

ኣማንቱ ምሽክለት ሶማል እበ ከስስ እግል ሐቱ ጀሀት መስኡልየት እግል ተኣርፌዕ ጌገ ምንማቱ፡ ሙእተመር መውሐድ ሶማል እግለ ሰብ ሸርከቱ ላቶም ወጠኒያይት ሐረከት ሶማል ወሐረከት ምሔርበት ሶማል እንዴ ኢለኣሻርክ ናይ በይኑ ምስዳር እንዴ ነስኣ፡ ዲብ ዮም 26 ጃንዋሪ 1991 ሕኩመት እንዴ ከውነ፡ ናይለ ፈሸል ለዐቤት መስኡልየት ለረፌዕ ቱ። ዎሮ ምን እሊ ቀራር እሊ ለሰበባይ መብቅያይት ፍገሪት ህዩ ወጠኒያይት ሐረከት ሶማል፡ ለምን እስትዕማር

ብሪጣን “ሶማሊ ላንድ” ለአስተባባይ ታሪካዊ አስባብ እንዴት ትነፈሰ ዲብ ሉም 18 ኦገስት 1991 ሕርያት ቅብለት ሶኦል አወጀቱ ቱ። ምን ወክድ ለሀይ እንዴት አስተባባይ ሀይ ዲብ 19 አቃሊም ሶማል፡ ዲብ ቀቢለት ወፈሬዕ ሽዑር ለተአሰሰ ስያሴ ወወስከርያይ ተናዚም ወአሕዛብ ምን መትባዘሕ ኢብጥረ። ለበአስ ምን ፍንጌህ አርበዕ ዐባዩ ዲብ ቀባይል ለአተንከበ ተናዚም በህለት ዳርድ ኢስሓቅ፡ ሃውዩ ወርሓን እንዴት ተዐደ፡ ዲብ ቤት አብ ወቀቢለት ትከረ። ለሀደፍ ሀለዮት ቀቢለት እግል አደቀቦት እንዴት ኢገብእ፡ መናቢት ሐርብ ወሰልጠት ዲብ ከርስ ቀቢለት ወዳይለት እንዴት ተሐበዐው ናይ ሰልጠት ሸውሀቶም ወናብ ብሕተ ዐሸሞም ወመሳልሐም እግል አርወዮት ወዱወ ዐለው። እሊ ቴለል እሊ ሀይ እግል ክሎም ሶማልዩን ቅዋት ዲብ ዎሮ ወጠኒያይ በርናምጅ እግል ከምከሞት ዲብ ኢልትቀደር እተ ደረጅት አብጸሐ። እግል እሊ ለተአክድ እግልን ሳብተት መሰል ሀይ፡ ሐቆ ወዲቅ ንዛም ጀነራል ስያድ ባሬ፡ ዲብ ክሉ ረአሱ ዲብ ቀባይል ለተአሰሰ ተናዚም ክምሰል ከረ “ ወጠኒያይ ገለድ ሶማል” ዲብ፡ “ዲሞቅራጥያይ ገለድ ሶማል” ገዳርበርሲ፡ “መውሐድ ሕዝብ ሶማ” መርሰንገሌ ደልባሃንቲ..... ወለመስሉ ለልትበሀል ተናዚም፡ ምን ሰልጠት ወአርዛቅለ ደውለት እግል ልጋምዑውን ተአሰሰዮ። ሐቆ እሊ ሀይ ተእሲስ ውሕደተ ለተአክድት ሶማል ለለትሐዙ ናይ መንጠቀት ወእድንዮ ቅዋት እግለ ሰድዎም ገለ እግል ሕርያት ወሰር ገሌ ሀይ እግል ሕክም ዛቲ ለጠልቦ እንፋሳልዩን ሐረካት ትባዘሐው።

ዛህረት እንፋሳልዩን ቀባይል ወናይ መንጠቀት ሕክማት ዲብ ሶማል

ክምሰለ አሰል ለእምቤሉ፡ ዛህረት እንፋሳልዩን ወቀበልዩን ድወል ወሕኩማት ዲብ ሶማል አስባብ ብዙሕ ቡ። እብ ሐጨሩ ዲብ እሊ እግል ልትሀደግ ለቡ፡ ጀነራል መሐመድ ስያድ ባሬ ዲብ ሉም 21 ኦገስት 1969 እንቅላብ ዐስከሪ ወዴ ዲብ ህለ፡ ወጠኒያይ እንዴት ገብአቱ ለሸብ። እንዴት ጸንሐ ሀይ እሸትራክዮት እንዴት ተበዐ ዲብ ስያሴያይ፡ እቅትሳድያይ፡ መሕበራይ ወናይ ዓዳት መጃላት ዐወቴ ዐባይ እግል ልሰርግል ቀድረ። ምናተ ዲብ ደነግብ ዕምሩ ቀበልያይ ጽጌዕ እንዴት ጸብጠ ዲብ ናይ ቅብለት መዳይን፡ ዲብ ሀርጌሰ ወብዕዳት ዐስከርያይ ፊራርታት ወዘብጥ ጥያራት ሀረሰ። ለነስአዩ ምስዳር ዲብ ደሚር መጅተመዕ ሶማል ለተሐባለክ ቀበልያይ ተክዊኑ ሸንርብ እኪት ከልቀ። አሰልፍ ናይ ደንጎበ ዕምሩ ሰበት ዐለ ሀይ፡ መብዝሐ ሸብ ሶማል ድድ ተዐንደቀ። ዐስከርያይት ሕኩመት አቶብዩ (ደርግ) እብ እሸትራክዮት ኮሎኔል መንግስቱ ሀይለማርያም እግለ ዲብ ታሪክ ሶማል መብቅያይ ላቱ አዋይን እንዴት አንተሀዘ፡ እግል ጀነራል ስያድ ባሬ ለልትቃወሞ ጀሃት ሶማል እግል ልሰዴ አስተባባይ። ሐቆ ወዲቅ ደርግ ወምጽአት ርኢስ ወዘረእ መለስ ዜናዊ ለትትመረሕ ፈደራልየት ሕኩመት ዲብ አዲስ አበባመ፡ ዲብ መባጥር አቶብዩ ዲብ ቀድየት ሶማል ተቅዩር ኢትረአ። ዝያደት አቶብዩ ዲብ ተማስ ሶማል እንዴት አቴት ዝያደት መሻክል ከልቀት። ሶማል እት ሐበት ክል አካን እንዴት ትፈንጠረት ዲብ ሕንከቶታት ድወለ እግል ትትጋመዕ ጀላብ ዲብ ሉም 24 ዲሰምበር 2006 ዐስከርያይ ወራር

ዲብ ሶማል ወዴት። እሊ ህዩ “ሲያሰት አቶብዩ ዲብ ሶማል” ዲብ ልብል አርእስ ክምሰል በጽሐፊ ዝያደት ተሕሊል እግል ነህብ እቱ ቱ።

እብ አሳስ እሊ አሰልፍ ለትበሀለት ከልፍየት፡ ዲብ ሜዳን ሶማል፡ ዲብ ቀበት ወክድ ሐጫር ገሌ እግል ሕርየት ወሰርመ እግል ሕክም ዛቲ ዲብ ዳእረት ንዛም ፈደራሊ ለጠልቦ ስስ ናይ ሲያሰት መሕበራይ ወእቅትሳድያይ ሐሽምት ትፋረው። ህቶም ህዩ፡-

1. ምድር ሶማል (ሶማል ላንድ) ሕኩመት ብሪጣንዩ ዲብ ዮም 26 ጁን 1960 ምነ ምን እንክር ቅብለት ዲብለ ወክድ ለህይ ሶማሊ ላንድ አው ሶማል ብሪጣንዩ እንዴ ትበሀለ ልትአመር ለዐለ ፈግረ። ለሽዑብ ህዩ እብ ሕር ምራዱ ምስለ ዲብ እንክር ግብለትለ ደውለት - እስትዕማር ኢጣልየ፡ እት ዮም ቅ ጁልያይ 1960 ክምሰል ፈግረ ለዐለ ሽዑብ ሶማል ተሓበረ። ክልኢቶም ህዩ እግለ እብ ሐርብ ኖስኖስ ለፈርሰት ጀምሁርየት ሶማል ከወነው። ዲብ ዮም 18 ማዮ 1991 እንክር ቅብለት ሶማል ናይ በይን ምስዳር እንዴ ነስአት ሕርየተ አወጀት። ለናይ በዲር ብሪጣንያይ እስትዕማር ለዐለ ምድር ሶልማ (ሰማል ላንድ) እንዴ አቅበለ ህዩ ናይ ኖስ ሕኩመት ፓርላመ ወጄሽ አሰሰት። እግለ 3 ዕቁዳት ለአተላለ ታሪኩ በሀለት ውሕደት ምስል እንክር ግብለት እንዴ አትመመ ህዩ ናይ ኖስ ደርህም፡ መንዴረት፡ ወረቀት ጅንስየት ወጀዋዝ ወለምስሉ አፍገረት። ስያሰያይት ቅያደት ቅብለት ክእነ ላተ ምስዳር እግል ትንሰእ ለቀሰበዩ ዐዋምል ብዙሕ ህለ። ገሌ ምኑ

ቀዳማይ፡- ስካን ቅብለታይት መንጠቀት ዲብ ሰልፍ መርሐለት ውሕደት ምስል ግብለታይት መንጠቀት እንዴ ትወሐደት፡ ዲብ ሰልጠት ወአርዛቅ ገርዝ ይዐለ እሎም። ክልመቶምመ ትትሰመዕ ይዐለት።

ካልኣይ፡- “ወጠኒያይ ሙእተመር መውሐድ” ሃውዬ፡ ድድ ንዛም ርኢስ ስያድ ባሬ ወሰብ ሽርከቱ ለዐለው ሐረካት ወጠኒ ሶማልዲብ ቅብለት ወጠኒያይት ሐረካት ሶማል ዲብ ግብለት እንዴ ኢልሰአሎ ናይ በይን ምስዳር እንዴ ነስአው፡ ዲብ ዮም 26 ጁንዋሪ 1991 ዲብ መቃዲአ ናይ ዶሉ ሕኩመት አሰሰ። ለፍንጌ ሰልሲቱ ተናዚም ዲብ ዮም 24 ጁንዋሪ 1990 ለትፈረመት እትፋቅየት ህዩ አፍረሰው። ክምሰለ ልትአመር ብዝሓት ድወል እብ አውለውየት ህዩ አቶብዩ፡ ለዲብ ቅብለት ለትነሰአት ምስዳር ናይ እንፍሳል በዳሪት ክምሰል ተአወጀት ሽርሐተን ሽርሐየ። ክምሰልሁ ለወደየ እቡ ሰበብ፡ እግል ሽዑብ ቅብለት ሰበት ፈተየ፡ እግል ስካን ግብለት ህዩ ሰበት አበየ እንዴ ኢገብእ፡ ለበዳሪት እግለ ውሕደት ሶማል እግል አፍረሰት ለአመመት እስትራተጅየት ሰበት ትከድም ቱ። አንዝመት አቶብዩ ውሕደተ ለተአከደት መስኩበት ለትመደደት እተ ድቅብት ሶማል፡ እግል ወጠንያይ አምኖም ወናይ መንጠቀት ዶርም ክምሰል ብቆት ቶም ልርእወ ለዐለው። ክምሰለ ልትአመር ዲብ እሊ ክፋል እሊ ለነብረ ቀባይል ኢስሓቅ፡ ሐበር ወአወል ሐበር ጅዓሎ ወለመስሉ፡ ድድለ ቀባይል ዳርድ

ወርሰንገለ፡ ደልባሃንቴ፡ ቀቢላት ደሮ (ዲሰ) ነናይ ኖሶም አሕዛብ ክምሰልሁመ ድዶም እብ ናይ ከርስ ቀበልያይ አከይ መቅርሕ ለልትዐዘበ ብዕድ ቀባይል ኢሰሓቅ አከይ መቅርሕ ህለ እሎም።

መንጠቀት ምድር ሶማል (ሶማል ላንድ) ምስለ መደምራይ ሐርብ ገብእ እቱ ለዐለ እንክር ግብላት እት ልትመጣወር አምን፡ ሰላም ወመስኩብት ለትመደደ እቱ ቱ ለዐለ። ምናተ ቀደም ክልኦት ዕቁዳት ሕርየቱ ምንመ አወጀ፡ እብላገብኦት ትግበእ ደውላት ናይ መንጠቀት፡ ቃረት ወእዲነ እዕትራፍ ኢረክበት። ምናተ ምስል ጅቡቲ፡ ኬንዩ፡ ጋነ፡ ግብላት አፍሪቀ፡ ቤልጂም፡ ፈረንሰ፡ ብሪጣንዩ፡ እተሓድ አፍሪቀ ወእትሓድ አሮብ፡ ስያሰያይት ዕላቀት ምን አትጋያስ ኢበጥረት። እግል ርኢስ ምድር ሶማል ክምሰል ሜርሓይ ስያደት ለበ ደውላት ለትትከበት አቶብዩ ሌጣ ተ። እሊ ህዬ አሰባብ ብዙሕ ህለ እሉ።86